

» et superiores ac monasteriorum abbates, commendatarii et alii
» administratores, regiminis et administrationis ecclesiarum et mo-
» nasteriorum eorundem, reliqui vero ab eis omnium et singulo-
» rum beneficiorum, dignitatum, personatum, administrationum
» et officiorum, canonicatum et praebendarum, aliorumque bene-
» ficiorum ecclesiasticorum, quae tunc obtinebunt et graduum ad
» quos promoti forent, privationis poenam, sine ulla spe restitutio-
» nis ad ea, incurrant similiter eo ipso; de quibus possit et debeat
» per sedem apostolicam et ab illa facultatem habentes apostolica
» auctoritate dumtaxat absque alia declaratione incursus poenae
» hujusmodi illico provideri. Concedimus tamen quod in cathe-
» dralibus et aliis collegiatis et non collegiatis ecclesiis et domibus
» praedicatorum et minorum ac aliorum religiosorum et saecula-
» rium duo, tres, quatuor, quinque vel sex pro custodia secundum
» magnitudinem et parvitatem ipsarum ecclesiarum vel domorum
» conversi et illiterati vel clerici in minoribus ordinibus constituti,
» et in ecclesiis parochialibus pro ministrando baptisate parvu-
» lorum, poenitentia morientium et aliis sacramentis ecclesiasticis
» quae ministrantur tempore interdicti, earum rectores seu alias
» curae animarum praepositi ibidem licite valeant remanere. Ec-
» clesiis autem et monasteriis, domibus et locis ecclesiasticis, in
» quibus interdicto hujusmodi durante missae et alia divina officia
» fuerint celebrata contra interdictum hujusmodi et quorum per-
» sonae contra mandatum nostrum illis remanere praesumpserint,
» omnes gratias, omnia privilegia et indulta adimimus, ita ut eis
» in posterum nullatenus suffragentur. Ad reprimendum praeterea
» eorundem Venetorum inobedientiam et aliena rapiendi et tenen-
» di insatiabilem cupiditatem et temerarios conatus: universis et
» singulis ducibus, marchionibus, communitatibus, baronibus, do-
» micellis, feudatariis, vicariis et vassallis ac aliis quibuscumque
» in temporalibus praefatae Romanae Ecclesiae mediate vel imme-
» diate quomodolibet subjectis et non subjectis districte praecipi-
» mus et mandamus, ne ad stipendia eorundem ducis, consilii et